



OSNOVNA MUZIČKA ŠKOLA  
MLADEN POZAJIĆ SARAJEVO

**P R A V I L N I K**  
**o videonadzornom sistemu**  
**u JU Osnovnoj muzičkoj školi**  
**“Mladen Pozajić” Sarajevo**

**Sarajevo, januar 2019. godine**

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), člana 90. Zakona o osnovnom odgoju i obrazovanju (»Službene novine Kantona Sarajevo« br. 23/17 i 33/17), a u skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i pomagala po predmetima za osnovne škole (Službene novine Kantona Sarajevo broj 30/18), Školski odbor JU Osnovne muzičke škole „Mladen Pozajić“ Sarajevo na sjednici, održanoj dana 10.01.2019. godine usvojio je

**P R A V I L N I K  
O VIDEONADZORNOM SISTEMU  
JAVNE USTANOVE OSNOVNE MUZIČKE ŠKOLE  
„MLADEN POZAJIĆ“  
SARAJEVO**

**I PREDMET PRAVILNIKA**

Član 1.  
(Predmet pravilnika)

Pravilnikom o videonadzornom sistemu u JU OMŠ „Mladen Pozajić“ Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

**II ODLUKA O VIDEONADZORNOM SISTEMU**

Član 2.  
(Odluka o videonadzoru)

Direktor škole donio je odluku o uvođenju videonadzornog sistema u JU OMŠ „Mladen Pozajić“ Sarajevo.

**III ZAKONSKI OKVIR**

Član 3.  
(Zakonski okvir)

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.

**Član 4.**  
(Osnov za uvođenje videonadzora)

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

**IV SVRHA VIDEONADZORNOG SISTEMA**

**Član 5.**  
(Svrha videonadzornog sistema)

Svrha uspostavljanja videonadzornog sistema u JU OMŠ „Mladen Pozajić“ Sarajevo jeste neophodna optimizacija sigurnosti učenika, radnika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora).

**Član 6.**  
(Upotreba)

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

**IV OPSEG PODATAKA VIDEONADZORA**

**Član 7.**  
(Sadržaj videonadzornog sistema)

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaji za pohranu videozapisa deponuju i arhiviraju videozapise u trajanju minimalno mjesec dana.

**Član 8.**  
(Unutrašnje kamere)

Unutrašnje kamere pokrivaju ulaz u školu i hodnik komunikaciju unutar škole.

Videonadzorni sistem is stava 1 ovoga člana koristi se i u svrhe predviđene članom 6 ovoga Pravilnika.

**Član 9.**  
(Vanjska kamera)

Vanjska kamera pokrivaju prostor dvorišta škole.

**Član 10.**  
(Obavjest o videonadzoru)

Na ulazu u školu i u školskom dvorištu postavljaju se vidljivi znaci obavijesti: OBJEKAT POD VIDEONADZOROM.

**VI UPOTREBA PODATAKA**

**Član 11.**  
(Ovlaštene osobe )

Uređaji za snimanje (hard disc-ovi) i administrativni centar kontrole i obrade podataka nalazi se u sekretarijatu škole. Direktor je kontrolor videonadzornih sistema škole.

Direktor škole može ovlastiti pedagoga i sekretara škole, kao i drugog radnika škole, da imaju pristup videonadzornom sistemu (u realnom vremenu ili pristup arhivi podataka) u svojstvu obrađivača podataka.

**Član 12.**  
(Kontrolor videonadzornog sistema)

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

**Član 13.**  
(Pristup podacima)

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

## **VII ZAŠTITA LIČNIH PODATAKA**

### **Član 14. (Zaštita ličnih podataka)**

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.
- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojediniosti o videonadzoru.

Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru škole.

### **Član 15. (Evidencija nad zbirkom ličnih podataka)**

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

Evidencija nad zbirkom ličnih podataka nalazi se kod direktora škole (kontrolora videonadzornog sistema) pod nazivom JU OMŠ „Mladen Pozajić“ Sarajevo - Video nadzor obrada podataka“ u elektronskoj i print formi.

Evidencija iz stava (2) ovoga člana sadrži obrađene lične podatke koje kontrolor procjeni da bi mogli biti od značaja u skladu sa članom 6. ovoga Pravilnika.

### **Član 16. (Postupanje sa ličnim podacima)**

Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika.

## **VIII PRELAZNE I ZAVRŠNE ODREDBE**

### **Član 17. (Tumačenje)**

Za tumačenje odredbi ovog pravilnika nadležan je Školski odbor.

Član 18.  
(Objava podataka)

Javnost se upozna sa sadržajem ovoga Pravilnika putem oglasne ploče škole.

Član 19.  
(Početak važenja Pravilnika)

Pravilnik o videonadzornom sistemu JU OMŠ „Mladen Pozajić“ Sarajevo stupa je na snagu sa danom donošenja.

Broj: 01-1-19/19

Dana:10.01.2019.godine

Zamjenik predsjednika Školskog odbora

  
Moamer Balihodžić

Bosna i Hercegovina  
Federacija Bosne i Hercegovine  
Kanton Sarajevo



OSNOVNA MUZIČKA ŠKOLA  
MLADEN POZAJIĆ SARAJEVO

Ul. Josipa Štadlera br. 1 Sarajevo

Tel. 033 44 42 34

E-mail: [omstaj@omsmp.com.ba](mailto:omstaj@omsmp.com.ba)

Školski odbor

Broj: 01-1-19/19

Dana: 10.01.2019. g

Na osnovu člana 93. Pravila Škole i člana 94. Zakona o osnovnom odgoju i obrazovanju u Kantonu Sarajevo (Službene novine Kantona Sarajevo broj 23/17, 33/17) na sjednici Školskog odbora JU Osnovne muzičke škole „Mladen Pozajić“ Sarajevo održanoj dana 10.01.2019.god. na prijedlog direktora jednoglasno je donesena

### ODLUKA

Usvaja se Pravilnik o videonadzornom sistemu JU Osnovne muzičke škole “Mladen Pozajić” Sarajevo.

#### Obrazloženje

Direktor škole upoznao je prisutne da je Općina Stari Grad donirala školi videonadzorni sistem i angažovala ovlaštenu firmu koja je instalirala isti. Videonadzorni sistem se sastoji od 4 kamere koje imaju IR noćno snimanje i osjetljive su na pokret. Pokrivaju ulaz u školu, hodnik i dvorište. Uređaji za snimanje i administrativni centar kontrole i obrade podataka nalazi se u sekretarijatu škole. Direktor je kontrolor videonadzornog sistema škole. Direktor je donio odluku o uvođenju videonadzornog sistema u školu i postavljene su obavjesti da je objekat pod videonadzorom. U cilju detaljnijeg regulisanja ove oblasti direktor predlaže usvajanje Pravilnika o videonadzornom sistemu nakon čega je donesena odluka kao u izreci.



Zamjenik predsjednika Školskog odbora

  
Balihodžić Moamer, prof.